

COMUN: Al vëgn formé na gradatōra por l'assegnaziun de terac da fabriché tl
Comun da San Martin. I interessá mëss dé jō la domanda te comun cina ai 31.03.2016.
Formulars y info é da ciafé te comun tel. 0474 523 125.

Le Comun da San Martin de Tor á scrit fora n **concurs por to sō n laurant de comun**;
le formular da fá domanda é da ciafé dai 01.03.2016 inant sōn la plata internet dl
comun o tl ofize personal dl comun. Les domandes de partezipaziun mëss gni dades jō
te comun cina les 12.00 di 31.03.2016.

Le Comun da San Martin tol sō d'isté 2016 n/a **studënt/ta por n practicum formatif** y
de orientamënt ti ofizi de comun dai 04.07 ai 31.08.16. Les domandes é da de jō cina ai
11.03.2016 dales 12.00 te comun. Formulars y info é da ciafé sōn la plata internet dl
comun o tl ofize personal dl comun.

PLOANIES SAN MARTIN Y LUNGIARÜ

Dal lōnesc, 29/02, al vëndres 04/03 n'è le **ploan siur Iaco nia chiló**. La Comuniun ai
püri vëgn spostada al'edema do! Stede düt canc prosc y a s'odëi! *siur Iaco*

Por le vëndres y la sabeda de chëst'edema, 4 y 5 de merz, inviëia le Papa y ince nosc
Vëscio i credënc a dediché "**24 ores por le Signur**" che dess nes daidé da chirí y
incunté Chël Bel Dî. Por ti jî do a val manira a chësc invit orunse en chisc dis frequenté
les funziuns de dljia y ne se desmentié nia da perié ince a ciasa.

Peregrinaje dl KVV Val Badia de 4 dis tl'Umbria dai 9 ai 12 de ma. Le iade, cun döt
laprò, costa 450 euro (+ 85 € por ciamena da un n let). Le iade é resservé ai scric ite tl
KVV y a sù familiars. Prenoté y info pro Hilda Sottara 0474 523 133 o 338 92 31 013.
Cun la prenotaziun él da paié ite le prisc dl iade sōn le cunt IT 23 S 08010 58830
000304009622. Le program ciaféise ince por e-mail: iaco_clement@libero.it.

Os jogn, gnide a odëi na Dljia jona, via y plëna d'entusiasm pro la **gran festa di jogn a
Salzburg da Pasca de Ma!** Cun d'atri 6-7.000 jogn vëgnel festejé le Spirit Sant cun
cianties, musical, de beles catecheses, mësse, adoraziun, workshops y divertimënt.
Al pëia ia na coriera dala Val Badia ai 13 de ma incër les 12.30 a La Ila y rōia indō a
ciasa ai 16 de ma incër les 20.00. Al vëgn dormí te scores te sac da polan. Inviá é jogn
dai 12 agn insō. Le cost é de ca. 115 euro. Info: www.loretto.at/event/pfingsten16
Important: dan la prenotaziun online, scriede na e-mail a renate@valentini.cc y ara te
ortiará dōtes les informaziuns por te prenoté!!

Al é ince la poscibilitè da **perié cun les Les Monies Passioniste** da Loreto por internet:
www.santafamigliatv.it Por lí les "Briciole di Silenzio" ciarede tl'ultima plata.

Recordésse da s'anunzié por le peregrinaje a Porsenú ai 23/04 cina al 01 de merz!!!

SAN MARTIN

Chi che s'á desmentié da ofrí por **scialdé la dljia y la calonia** pó ince le fá pro la
Cassa Raiffeisen söl cunt dla Ploania da San Martin.

LUNGIARÜ

Recordésse da paié le **contribut dl mone** incö, 28 de forà, do mësse.

Döt le bun a chi che complësc i agn de merz

a San Martin: Lena Costabiei Moling che nen complësc 87 ai 26

a Lungiarü: Sepl Clara da Somvì che nen complësc 81 ai 21

Sepl Rives che nen complësc 81 ai 24

Iaco Mischi che nen complësc 92 ai 26



www.unitepastorala.org

Plata dles Ploanies San Martin y Lungiarü

siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

28.02. - 06.03.16 nr. 14

termo da publiché: jōbia 20.00
radio: 90,40 / 93,70



3^a DOMÈNIA DE CARSÈMA C

Vangele do Lūca 13,1-9

Y Gejú ti à cunté chësta parabola:

N'él â n lëgn da fighi te sūa vigna;

y canch'al é gnü a ciarè do sc'al portà früc,

nen n'al ciafè degügn.

Dailò àl dit a so vignadù:

Šëgn vëgni bele trëi agn alalungia a ciarè do

sce chësc lëgn porta früc y i nen ciafi degügn lassura.

Màzele ia! Ciodî déssel pa ti tó inant la forza ala tera?

Le vignadù ti à respognü: Làscele ciàmò impé chësc ann;

i ô sapè sō la tera incëria y l'incultè.

Forsc pôrtel impò ciàmò früc; sce nia, làscele spo mazè ia.

„Forsc portel impò ciàmò früc, sce nia, làscele spo mazè ia.“

I un ciàmò na poscibilitè da se comedé,

mo l'ultima frasa dl vangele é tlera:

Al vëgn ince le momënt olach'al é massa tert.

Por vignun y vignōna de nos pó la vita da n secunt al ater ester passada ia.

Le tēmp á n termo. Porchël orunse l'adoré bun.

I ne sciafiun nia da ti dé ala vita dis laprò, mo ai dis deplü vita.

I orun porchël vire nosta vita aladò ch'i podun s'un jî da vigni ora.

Y bindicé na controlada ogass pa dër: Él dërt sciöch'i viri mia vita?

À Chël Bel Dî ligrëza imparà? O él debojëgn ch'i me comòdi?

Ci n'él pa cun na Dljia che ne porta nia früt,

deach'ara mantëgn ma la fede y ne la vir nia,

cun na comunitè che ne porta plü degügn früc

dach'ara s'acontentëia cun ëra instësa ...?

La parabola dl lëgn da fighi contëgn ince n'amonimënt:

Al vëgn n'él cun na manara, mo intant ëise ciàmò dlaurela, desse da fá!



	SAN MARTIN		LUNGIARÜ
28.02.16 3^a DOMËNIA DE CARSËMA C <i>De dl Patronat ACLI-KVW</i>	9.00 Staziuns 9.30 Gran Mëssa por la comunité + siur Richard Sottara <i>Oferta por le KVW</i>	06.03.16 Domënia	7.55 Staziuns 8.15 Gran Mëssa por la comunité <i>Oferta por le KVW</i>
29.02.16 Lönesc <i>Roman, Silvana</i>	19.30 Referat cun dias de siur Sepl Granruaz sura le salm 106 “la misericordia de Dî tla storia”	29.02.16 Lönesc	17.00 Les Staziuns
01.03.16 Dedolönesc <i>Albin, Davide</i>	19.30 Zelebrazion dla Parora de Dî	01.03.16 Mertesc	7.30 Zelebrazion dla Parora de Dî
02.03.16 Dedemesaledema <i>Agnes, Ines</i>	19.30 Les Staziuns	02.03.16 Mercui	7.30 Mëssa <i>(cun siur Degan)</i> +++ Sepl, Teresa y Iaco Dejaco ++ Anastasia y Heinrich Schanung + Franz Freinadametz, Fücia
03.03.16 Jöbia <i>Cunigunda, Tobia</i>	7.00 Adoraziun 7.30 Mëssa di scolars <i>(cun siur Degan)</i> families Clement-Zingerle + Emma Trebo Conrater (dla Union) + Loise Palfrader Dasser (dla Union) Corona por vocaziuns	03.03.16 Jöbia	
04.03.16 Vëndres - pröm vëndres dl mëis <i>Casimir, Rubert</i> <i>De mondial de Oraziun dles Ères</i>	15.00 Dé de oraziun dles ères Prozesciun da Badia sö Oies y Mëssa 18.30 Adoraziun chîta 19.00 Devoziun de Carsëma	04.03.16 Vëndres	15.00 Dé de oraziun dles ères Prozesciun da Badia sö Oies y Mëssa 17.00 Funziun te dljia “24 ores por le Signur”
05.03.16 Sabeda <i>Oliva, Dietmar</i>	7.30 Ora d’adoraziun “24 ores por le Signur” 15.30 Mëssa tla Ciasa de Palsa + Corrado Castlunger 18.30 Mëssa prefestia dl ann + Giovanni Ferdigg + Paul Vantsch + siur Angel Morlang	05.03.16 Sabeda	20.00 Mëssa prefestia dl ann + Serafin Clara dl ann + Angela Costa vis y ++ de Hildegard Pezzei y Richard Nagler
06.03.16 4^a DOMËNIA DE CARSËMA C	9.00 Staziuns 9.30 Gran Mëssa por la comunité <i>Oferta por Kassian-Tschiederer-Werk</i> 11.00 Bato de Simon Dapoz y Victoria Zaira Schanung	06.03.16 Domënia	7.55 Staziuns 8.15 Gran Mëssa por la comunité <i>Oferta por Kassian-Tschiederer-Werk</i>